

Xikkadhe pana xayto kolladhatte Inthawte dhelle takkummanu Kollo achchanko hi'aasa 9 – Ille Taye Qhac'ay



Kasidhdhe 9 – Olhidhdhe haani an c'ikanne

OCTOBER 2022

Maakaziye Mathiwoose

Dhihmampakko kollinkito,

Komithe napse pinnisay qhaat'e kaasanna

Katiye Maafe Murffaye

Inthawampakko dhihmaampakko kollinkitona, ghohkko

inthawte dhelle takkumma

Komithe napse pinnisay qhaat'e kaasanna



KOLLO

An Ghohni

KASIDHDHE	Olhidhdhe haani an c'ikanne
ALAAMA	Ghohkko qhawhinkitoosi kaanase
XEERE	Tak'ik'a 15- 20
NAQNO PUDHUNATTE	Haka dhelle 20
XAYTO	Dhelleesi qhorratte qakkatheesenu xayto hxafna pana si'ile haqisenukka
POOLEESE	Dhelleesi qhorratte dhamma kittee, a thunku qakkanneppa si'ile haqisonkinnu gharis.
MAAHXHXADHDHE	Maahxhxadhdhe kiriththo arnito teexaasi it't'oosenu mi'aye qagha mulonu wark'k'athe teexe (si'ile taaki si'ile)
SILME	Olho armadha



XAWTHAMMO

- Husi ho achchanko kodhmo armadhanu a gharisi haqisenoosikka xawthamu. Hussukka dhelle takkumma haannay kollinkito qaghana achchanto kodhmunna ho kaanasteema kodhdhe alkasa. Tayammiine dhamma noosi (ho dhammakka ho takkassa kodhdhakka payni) dhuukuullinko kodhdhe noosi husi faroote xeeNapay.
- Hisi kollidhdhe heessi dhikkattatte ktaakio hxaseesa pana hikkadhdhe ktaakio maraara. Dhelle pudhune thuusundhittay waarshshito kittattekka heenna huusundhi sheeghe kodhdhe alkasna. Hisiisi shakaashenu kodhdhankinna husiisi kodhettay are ghee qasa. Holu xeere okaayanakka kaanumo kulaasikka kaanase theemme ghee qasa.
- Pudhunenu pana dhelle qhawtho kodhdhe holu ho qale olho dhamma ye kolladhonki qaghe alkasnanki. Husa olho xeesa. Olho hunkaasikka kaanase thunku alkasnenu thtaakiradhdheesi gharise ghee qasa. Olho k'allaale kodhdhikkakki payni "Keeray pana kuyyu pulthawhe hayyunu mankaxxeesi ghape anu alkasnikka ahxayi" taaki "Keeray husi pudhune pulthakko hayyuna qhoota ye qaghti maallay hxaso yeye dhakaadhukka. Kuyyu kapay an konna.

KOLLINSADHE

- Dhelle pudhune dhamma sheegha taaki he takkassa liixooma qakkadhhepa kodhettay hxasoollawhe kodhdhe alkasnanki. Hasi kodhdhamatti paayni, liixo kodhdhe noosi isundhe rakkisnakka thunku qaghiisakka ara. Holu olhussa ho mittami payni, maahxhxadhdhe pana dhelle thunku ille qale qhootadhdhinennukka pudhunettay isundhe gharis.
- Kuyyanko dhikkattateesi dhelle ho kuyyanko hxasito kodhe wooti payni, isundheesi kuyyaqqe kasqidhdheeteesi taye alkasnay. Lighnonu: saarawhe kuyyanko kasito payettay (Dhelle karo xaytossi saarnnettay an kaso dhoopadhi kulakki achchettay a kollisni), kuyyaqqe tupettay (Dhelle kitteema urkkeesannenki), kuyyanko pijaamay payettakka (Dhelle manne kollinito kulakka pijaama qadhdhanne).

ACHCHANTIINE

- Napay, "Kuyyaqqe xayna na qaghti kaasanna, uuma a kollatti. Kuyyanko qagha mulona kollinko pana ghoheete qaghti, hoottay anhe peepa eepa athokka kodhdhe ho ghee qasa" Dhelle pukkaqe thuusundhinu kanqe shoqhetay he dhiktise. Eepa Kaaso maala thunku ine oohiisa uuma thunku an iso kaanasnaanikka a wo'i. Pudhune thaani kitteema a xulliti tupettay mala qhamo qhawhito ghohe alkasti? Qaghe haahu qharrona kaanta hantu ho arreehhammitittay onkadhdhe olho dhukatte hi'aasa thunku qaghesa kodhampakko haaninu qalli. xayto haani kulakki okayi.
- Pudhunissa kitteema lahxadhi tupettay maala thunku ghohe alkasiisa lighnidhdhe hi'aasaasi dhelle noosi qalli. Dhellekka hatupettay kodhmu kodhe mulona ghohkkoosi hi'aasankinna iso kapay qhoota ghohkkito uuma are paayini.
- Dhelle a payni assaappidhde huusundhiisi illena qhootadhdhi payni, wark'k'athe tootteesi xyto izzexssa thunku qhootnenu kodhas. xayi qharra'itha yaxa thunku kodhdhessa (paayoottatte pudhune kitteema lahxadhankinna) yaxa thunku kodhdhessa, hantu ktaakio yaxay thunku kodhdhessa qhamu haqisannu kaasqadh.
- Dhelle haqisatte qaghana, thunku mo'o haqisessa kifile kala'itha oghadhettay tooma nu aras

KOLLO

Olhidhdhe an kollanni

KASIDHDHE	Olhidhdhe haani an c'ikanne
ALAAMA	Kollinkoosi kaanase
XEERE	Tak'ik'a 15 - 20
NAQNO PUDHUNATTE	Haka dhelle 20
XAYTO	Dhelle qhorrate kitteema qakkaththesnu xayto hxafnay
POOLEESE	Dhelleesi qhorrate dhamma kitteema qakkaththeese
MAAHXHXADHDHE	qhorrate kapa'itha dhelle noosi maahxhxadhdhe saarpina
SILME	Olho armadha

ALKASTIINE



Heenna Waarshshito



pako

XAWTHAMMO

- Hela thaaya, dhelle tookke tookke kollidhdhe dhamma arasneesi ye sheeghnekka. Pudhune qhawthitte thaahu kodhdhe huusundhi, olho xeesa. Isundhe arnanne dhammaasi kaanase alkasna taaki ghohkko onke xeesattay kodhi alkasnanki. (Laadhi qhamu Hantu qaghi kula).
- Husi kolladhe gheeegasay xikko kaanasatte, dhelleesi qila paasenu kasqinkadhdhettay kodhdhasepa isundhekka malsadhdheesi holase alkasnanki dhikitnay kodhdhi alkasnanki. Husi xeere dhelle nossi dhikita qandhimma hxure huusundhiisi eema.

KOLLINSADHE

- Apyni pudhune ghandhaqqakka sheeghti payni alkaste pudhunatteesi are gheeegasa, onke gheeegasattay kasqinkadhdhe qawnittay onke thusundhi arno huusundhi miinta eemettay pana dhelle noosi pukkaqatte arno teexe gheeegasa.
- Ille taye dhelleeteesi a sheeghti payni isundhe qale kodhdhettay xulsadhe thusundhiisi bhat'ettay xeere nu teexe (Pudhunatte kittatte qaghanna pana hinkakki onkittay qhawtho kodhdhe alkasna), dhelleesi kaasqadhenu faroote nu tex pa kodhdhatheese xeere kodhmitona pulthunko thusundhinu apayni kasqinkussana malseesikki ye are payni. Dhelleesi lakki lakki kodhettay marat'adhe pana xikkuusi lakki lakki kodhdhettay dhikkise. (Xawthammo: *Apayni dhelleesi pudhunettay xawwadhe a wooti payni, lakkintadhdhissaasi qholettay dhellissana hinkakki pulthunko kodhettay yaxakki qhawthitto pana inthawampakko kodhdhe alkasna*).
- Ato apayni pudhune dhelleeteesi o oohe kotti payni dhelle pana wo'iko dhellissana apaqhettay ille tayyoosi ghohise gheeegasa, kolluusi laaghetay karo aspittatte oohettay kodhdhe, dhelle apayni olho tookkito qharattatte saarpe wo'e payni pana qhoota pukkaqe thusundhina kaa'itha olho tookko tookkoosi illena qhoottadhdhe illena laaghannanki.

ACHCHANTIINE

- Napay, "Olhossi kollathamina qhoota ghohkko haani tookko tookkito kaa'itha an hi'aasni. Kuyyankoomatte qhoota ghohkko huusundhi kaa'itha haqise olho gheeegasa. Kuyyankooma olho ine kodhdhamadhiisi kaanase ine gheeegasa."
- Napay, "Ehxhxe haahu t'iibhhipa qhoota ine qale qaghe haahu kaaa'itha assaapadhay, illettay an qaghaaninna mo'o a kollatti?" teexe dhelleeteesi riirettay inti qaghu, k'anpayepa qhoota pukkaqe thusundhina patta qallonki.
- Napay, "Hantu ehxhxe haahu pulpa qhoota pulthakko haahu qale olho kollattiisa pulthakko qale qalladhay. Ehxhxe haahuusi a t'iibhbitna moho taymadhi?" Dhelle pulthakko nakapaanta qagha thunku naqale qallininu faroote i teexe.
- Nakala, xikkadhe "Xikko haahuusi dhelle illay qhoottadhdhe". Mi'aye tookko noosi maahxhxaththo ghapni nu tex (Lighnonu: kaase taaki polookke). Nakala, mi'ayissa noosi kollinkadhdhe pile gheeegasaasi onke pilettay achchaasi kaasqadhe (Lighnonu: *"Nakkariine salax nu makaq," "Mo'o ho qhakkadhe alkasna," taaki "(Ine qhoota hayyo izzex ineema dhaghghapna kaa'itha ye qalli)"*). Kaasqinkadhdheesi a dhikkisasti payni mi'aye tookko qhorrate kaa'itha thunku lallaaghamninu kodhas, Mi'ayissa maahxaththussaasi yeholasu tupettay kasqinkadhdheesi holase isundhe gheeegasa.
- Mi'aye qagha mulonu malse thunku holasinu faroote nu teexe.

KOLLO **Pukkaqatte pukkaqatthe olhudhe anc'ighani**

KASIDHDHE	Olhidhdhe haani an c'ikanne
ALAAMA	pukkaqatte ille kaanase; tho'okunko ghohise
XEERE	20 – 25 tak'ik'a
NAQNO PUDHUNATTE	haka dhelle 20
XAYTO	dhelle qhorratte kitteema qakkadhenu xayto hxafna . Nakala, xayto hxafna to have their own quiet xayto.
POOLEESE	Dhelleesi qhorratte dhamma kitteema qakkatheese. Nakala, dhelleesin xayto tookkooma qakkatheesettay thunku si'ile haqisnenu kodh.
MAAHXHXADHDHE	It't'oose maahxhxadhdhe arnnanneetena (haqise taaki shiine); mi'aye kaasannu – atho makaxxe huusundhi muloosi tooxe ho gheeqasa
SILME	Olho armadha



- XAWTHAMMO**
- Kollu olhu na maallay gharssami pudhunettay a kaanasninu. Mi'aye qagha mulo olho xeesa tayadhenu haqto thunku gharssadhiisa are gheeqasa. Xaytussa kapa'itha oghadhatte qaghankinna, apayni haqto huusundhi kaa'itha kaasqinko xawwadhe wo'ekki qagha payni, nu qhore gheeqasay.
 - Dhelle thunku ooshennu k'aak'k'are gheeqasa.
- KOLLINSADHE**
- Apayni xayto hxafna taaki maahxhxadhdhe gheeqasakki pareema ye gharssamonki payni dhelleesi pudhunettay isundhe qakkathees. Onkittay maahxhxadhdhe taaki onke pile pilettay sanu naa ille c'iknottay ille peepnenu dhelle haqtusssa taaki dhelli na qale kodhdhe illay pudhunettay qakkatheesenu theemmi. Dhelle haqto akkadhe kaa'itha olho koro dhahxhisa pana koro hxaseesa kodhdhe alkasn.

ACHCHANTIINE

- Dhelleesi qhorratte kitteema illaa holase. Xaytunna kittatte olho tookko uuma ghohsadhe ho waarshshinkito thunku kodhdhiisa dhelle noosi arase. Napay, "Pudhune thaana kitta qhoota qhaat'e inena kapa'itha qaghana kaa'itha olho dhamma an kollanneeni, husikka olho mala xeesa! olho mulona kutay kapay ille heheleesikki an kollanneeni."
- Napay, "Kuyyu ine mulo noosi haqtoosikki an gharissannaani. Ktaakio hunena kittatte qaghana hune mulonu qhawho tookko an hune teexni. Haqtussakka qhawhussana olhossi a c'ikatte kodhdhe gheeqasa. Emma kapay qhawhussaasi bhadhadha olo kodhdhi! haqto haahundhinu k'aark'k'arssampakko haahundhiisi yaxanukka payni qalla, ille qale annu qhootini payni olho ktaakio dhahxhisa."
- Oohame nonito, qhamo pudhunatte, dhelle haqto huusundhina kittatte pana olhidhdhe kaanasne kulaasi (Lighnidhdi kulaasi arase alkasnanki: *pulthakko mala xeesa, ho tooma nappapadha kodhdhe, ho uuma herama kodhdhe, ho k'aark'k'ara kodhdhe, ho teexa kodhdhe.....*)
- Dhelle mulonu makaxkko mi'aye tookkito ana tooxiisi bhadhdhamtettay nu tex. Xaytussana kittatte dhelle xaytidhdhe pile pile kula thunku achchinenu dhiktis. Dhelle haqto huusundhiisi nakkariinettay sire pana he ktaakio hxaseesa kodhe.
- Dhelle xeeri kodhenna kifilatte kaalla isundhe hele gheeqasa.
- Dhelle apayni si'ile huusundhiisi dhikkise tupettay tanpe haqto teexeete nu ghar.

KOLLO

Xikkidhdhe Haani Arama

KASIDHDHE	Olhidhdhe haani an c'ikanne
ALAAMA	O oohame nonito xaytossi kolladhenna seettottay
XEERE	Tak'ik'a 20-25
NAQNO PUDHUNATTE	Haka dhelle 20
XAYTO	Dhelle qhorrate kitteema qakkadhenu xayto hxafna . Nakala, xayto hxafna taaki xayto xikkadhenu gharra.
POOLEESE	Dhelleesi qhorrate dhamma kitteema qakkatheese. Nakala, isundheesi thunku xikkannenu gharise gheeqasa.
MAAHXHXADHDHE	Mo'okka qandhi, dhelle xikko xikkadhenu xayto qhawthitto ye marat'adhonkinna qharra'itha kapay husa olho kodhamna (Taaki lighnonu: <i>Kodhmito nakaye payni t'aarmmuusadhdhe pana sighthettay theemme</i>)
SILME	Olho armadha

ALKASTIINE

heenna
waarshshito

pako

- XAWTHAMMO**
- Kollu xayto dhelle kollinko kollannenna seettottay shakaashe tayadhe noosi gharssami. Xeeri ho qale ye kodhdhonkinna xytu hasa na talalleesi sheeghe alkasnanki pana onkadhdhe xeere tak'k'amadhatteesi eemekka onke pilatte.
 - Dhelle heesi naka'itha it't'apa isundhe ghohisonki qale qalladhe alkannankiisi eemenu olho tak'k'ama. Onkittay xeeri hune qale kodhdhenna waarshshinkooosi assaapadhepa ghohise alkasnanki.
- KOLLINSADHE**
- Mi'aye apayni miintay xikko kitteema xulle ye wo'ikki qagha payni, pudhunissa xikko pishkko lalleehisatte thunku holle sheeghonki noosikka are gheeqasa. xaytu atho na kollussa kottina dhelle mulo ho qaleema thunku kodhdhessa upadhe ho gheeqasa.
 - Pudhune ghandhaqqakka sheeghti payni pana xayto taaki dhelleesi gharisettay taaki to'onnay thunku hxasoonnenu xikko lakki nu gharis, athokka na qale kodhdhe alksnay. Emma kapay, husa mulona dhelle mulootatte nakayhinko huusundhi eemettay alkaste isundhe eemeete a shsheeghti payni patta kodh.

ACHCHANTIINE

- Dhelleesi qhorrate kitteema qakkathees. Napay, "Xeere xayto haanina kittatte athu qaghtina olhidhdhe koro dhahxhisa akollattiisi kolladhe olho uuma gheeqasa, husaasi kodhenu hel thaaye kodhe gheeqasa. Hela thaaya kodhenu, olho koro hxaseesna kodhe gheeqasa!"
- Kaasqadh, "xikkidhdhe mala koro hxaseesakki an sheeghneeni, taaki xikkidhdhe atho uuma c'ikatti kora manneete qagha, xaytunna tupettay xikkidhdhissaasi xikkadhe alkasnaay?"
- Dhelle qaleema xikkussa koro hxaseesaasi xikkadhe.
- Kollidhdhe hibhay olho hasa lighaasi sheeghe alkasnanki:
 - Kollussana achchanko hi'aasatte: Simoone Napayna, tinnishshakko thora, t'ooqhano raqqama, inthawampakko kala achchindha, olho reehhammiisi kammata, hammakko idhdha hammakko k'artaxxa, olho kuthumakkonu teexami,
 - Xikkidhdhe pile qhoota makarte reeheete kodhdhi alkasna (reehhammissakka nakkarro laallattay kodhdhamadhi), laanka kodhmito anakeesi payni t'armmuusadhdhe qale lahxettay,
- Dhelle xikko koro hxaseesaasi dhikkise tupettay nono dhihadhattena, xikkadhe noosi xeere tayadhe to'onnay taaki isundhe lakki kodhdhineppa xikkadhonki. Kapay xikko qhawthitto qawni issi xikkadha payni, dhelleesi xikko qhawthitto qale arase alkasti payni husa olho gheeqasa.

KOLLO

Ghohkko Heenna Haanina

KASIDHDHE	Olhidhdhe haani an c'ikanne
ALAAMA	Onkadhdhe heennaasi eeme
XEERE	Tak'ik'a 15-20
NAQNO PUDHUNATTE	Haka dhelle 20
XAYTO	Dhelle qhorratte kitteema qakkadhenu xayto hxafna
POOLEESE	Dhelleesi qhorratte dhamma kitteema qakkatheese
MAAHXHXADHDHE	Olho armadha
SILME	Olho armadha

ALKASTIINE



heenna waarshshito



pako

XAWTHAMMO	<ul style="list-style-type: none"> Kollu ho uuma koro marssadha. Pudhunatte kittatte olhidhdhessi a kolladhi koro dhahxhisana kittatte tookke tookke heenna huusundhiisi mala thunku xulsadhe alkasnenu . Heenna na apqhasaama laanka rakko thunku ye sheeghiisi are ho ghee qasa. heenna huusundhiisi xulsadhe, pana olho xeesa heenna huusundhina apaqhsama payni alkaste qagho huusundhina hantukka pana xeere okaaya mulona.
KOLLINSADHE	<ul style="list-style-type: none"> Pudhune ghandhaqqakka sheeghti payni, dhelle assaappo huusundhiisi pudhune mulonu thunku qhootte alkasnenu kasqinkadhde kaasqadhettay qhoota olho tookko tookko kolladhenna pulthawhe huusundhinu thunku qallinenu dhiktis. Xeere hibhanna heennadhdhe ghape noosi a kollisanna dhelle ye qaghikki qagha payni , dhellissa ye qagheesi dhelle hibhattay eeme olho ghee qasa. Alakasama payni the dhamma kolladhenu xeere sikaapa akkadhe ghee qasa. Holu naama, dhelle qaleema qhoota heennadhdheete kolladhenu achchankuusi tak'k'amadha.

ACHCHANTIINE

- Napay, "Pile heenna haanina kittatte olho koro dhahxhisa an kollanni malaala heenna haaniisi onke woyyattay xulsadhe alkasne. Heennadhdhe mala ligha thunku an kollannissa the dhammakki an kollanni, pana heennadhdhiisi malaala arase an alkasnaanissa."
- Kaasqadh, "heennadhdhe an kollanniisi mo'o thunku kodhdhessa ye qalli?" Dhelle noosi malseesi thunku holasnenu waawte nu tex.
- Napay, "Pishkko haahuna mo'o thunku ho qhaskkadhiisi ye qalle alkasnaay ____?" Kaasqadh kasqinku heennadhdhe pile piletay (Lighnonu: *hxaso, miirnna, ghithe, dhuupaythe dhape, miirrodhe,*) pana dhelle thunku malse holasnenu faroote nu tex.
- Ho qaleema dhelle heenna ghape kaa'itha olhidhdhessi kolladheesi eeme (Lighnonu: *nassadhe, pinke, nakayho ribhbhe, heennaasi haqise, qhoota heennay qalladhe,*). Kaasqadh dhelle oli hasa lighaasi pana achchantunna inna hole.
- Huusundhina manneete qaghankinna achchantiiniisi tak'k'amadhe thunku alkasnenu laanka ara.

KOLLO

Pudhune Thaani Aramay!

KASIDHDHE	Olhidhdhe haani an c'ikanne
ALAAMA	Manne kitteema kodhdhettay, ille qale si'ile haqise
XEERE	Tak'ik'a 20-25
NAQNO PUDHUNATTE	Haka dhelle 20
XAYTO	Dhelle qhorratte kitteema qakkadhenu xayto hxafna
POOLEESE	Dhelleesi qhorratte dhamma kitteema qakkatheese
MAAHXHXADHDHE	Olhidhdhe hinakkakka kodhasenu a tak'k'amattiisi illaa holasettay kodhdhe
SILME	Olho armadha

ALKASTIINE

heenna
waarshshito

pako

XAWTHAMMO

- Kollu xaytidhdheete kittatte assaappidhdhe hinkaasikka illaa holase, hussakka dhelleesi karo manneete kula ye akkukka. xaayto haahuna mi'aye tookko qagha patni, pana xikkidhdheesi arase kolluusi achchankonu tak'k'amadh.

KOLLINSADHE

- Dhihakko ghupissanna xayto ashsheeghni payni, kat't'iisi tak'k'amadhettay ghupissannu makaxkko makaqe (ghee qasa payni patta tak'k'amadhe alkasmnay). kolladhe dheelleeteesi hi'aasenu onkadhdhe ghee qasanu maahxaththo akkadhe ghee qasa. Taaki Lighnonu: "Hela thaayenu parakki an kolloosi konnaani? Mala kolloosi ankodhdhaaninna kollannaani?" Emma kapay, Kollinsadhiisi patta kodha, apayni ghara payni xayto haahuusa.
- Dhellenu apayni miirnna nu dhakaadhi payni taaki miirnna dhikkatte pudhunattena, Achchanto heennaasi arasenu xeere tookke xawthadhe ghee qasa. Mo'o kodhe thunku ye ghee qastiisi:
 - Atho olho hi'ama kodhe alkasti lakki kulaasi hi'aasenu dhelle maqqakkooma ye rafonkinna hasa ehxhe thunku k'upnenu. Riireppa dhionkippa holonki he dhiha izzexnu nassadhettay, holu izzexssi dhiha miinta lighe thara hxupi kulaqqitti nahohole .
 - Dhelle mulo konnathooma thunku rafnenu kodhas. Kaasqadh dhelleesi nassannenu pana hudhdhannu hakkata lokko thunku dhihnenu kodh . (Lighnonu: Napay, "ghoththe luhheeteesi pana alkasama payni illaa isundhe ghap, pana xeere dhiheetena lokko dhiha." Luhhettay paayyi, karqqithottay, ghothettay, hashshittiinettay, t'ihilaanettay, miintettay.) Hussaasi kodhankinna dhelle k'anpaye isundhe ghee qasa. Lelleehame ribhbheete mulona to'onnattay shikkaarashepa thunku nassannenu kodhas.

ACHCHANTIINE

- Dhelleesi qhorratte kitteema illaa holas. Napay, "Kollinkussana anokka naattay tookko maallay uuma an hxasoodhi."
- Kaasqadh, "Pudhune thaahuna ho qale qaghana kittatte tookko hussa mo'o?" Qhorratte kaa'itha lallaaghamappa holonki perko huusundhina olhu kodhe muloosi arase.
- Xeere ashsheeghti payni, xeerinna xikkidhdhe koro hxaseesa oypaasi dhihadhe ghee qasa holu dhelle erkkidhdhe hasa lighaasi thunku manneema akkanneppa achchonki hxafasonkinnu kodhas.
- Xeere ashsheeghti payni, xikkadhdi takkummaasi nonottay assaapadhe taaki Xeere kathankitona xikkidhdhe qaghaasikka na kitteema xulleesepa thunku dhihannenu kodhas. Dhelle noosi xikkussa hasa ligha olho qhawthitto kodhdhe alkasna, taaki achchanko kodhmussa hi'aasa hussakka: Simoone Napay, tinnishsha thora, t'ooqhano raqqama, inthawapakko kala achche, pileesikka arase, nakkarro idhdha nakarro k'arttaxa, kuthumaane armadha,